

相出

佛頂心大陀羅尼

下

古籍保

書

10441





白佛菩薩

佛頂心大陀羅尼經上

爾時觀世音菩薩而白釋迦牟尼佛

言是我前身不可思議福德因緣欲

令利益一切衆生起大悲心能斷一

切繫縛能滅一切怖畏一切衆生蒙

此威神悉能離苦解脫爾時觀世音

菩薩重白釋迦牟尼佛言我今欲為

苦惱衆生說消除災厄臨難救苦衆

生死礙自在心王智印大陀尼法以

用救拔一切受苦衆生能除一切疾

病滅除惡業重罪成就一切諸善者

速能滿足一切心願利益安樂一切衆

生煩惱障閉唯願慈悲哀愍聽許介

時釋迦牟尼佛言汝大慈悲宜應速

說時觀世音菩薩從法座起合掌正立

即說姥陀羅尼曰那謨唱囉合怛那怛


救一切  
眾生苦



天雨生花  
讀說亂下



善男善女  
供養此經



囉夜耶那謨阿唎耶 婆路咭帝  
 攝伐囉耶菩提薩埵跋耶摩訶  
 薩埵跋耶摩訶迦 嚧呢伽耶  
 但姪他 阿鉢陀 阿致陀 跋唎  
 跋帝 埤醯夷醯 哆姪他 薩婆  
 陀羅尼曼黎囉耶 埤醯夷醯鉢羅磨  
 輸馱善跋耶 唵 薩婆所言伽耶  
 陀羅尼因地唎耶 怛姪他 波女嚧


釈帝攝伐囉耶 薩婆女吐瑟吒烏  
 訶耶彌薩婆訶 今時觀世音菩  
 薩說此陀羅尼已十方世界皆大震  
 動天雨宝華繽紛亂下為供養此陀羅  
 尼名薄伽梵蓮花手自在心王印若有  
 善男子善女人得聞此秘密神妙章  
 句一麻茸根身中所有百千万罪悉皆  
 消滅此陀羅尼能滅十惡五逆誹謗  
 闍提非法說法或於三寶師主父母前

造罪生  
死入地獄



阿鼻地獄

李竟受持死



起嬌慢心或出世造業殺生害命或三朝滿月嫁女婚男橫殺衆生犯無边大罪在於已身終日冥冥不知不覺天不容地不載千佛出世不通懺悔處者如是之人捨此一報身當墮落阿鼻無間地獄中受其苦楚一日一夜萬死萬生經八萬大劫受罪永無出期若有慈順男子女人欲報父母深恩者遇見此佛頂心陀羅尼經文字章句能請人書寫

受持讀誦每日於晨朝向佛前燒香誦念此陀羅尼經如是之人終不墮於地獄中受罪乃至到百年命盡臨欲終時心不散亂見十方聖衆菩薩各持花其臺幢蓋猶如日輪霞光滿室來迎是人往生淨國諸大菩薩舒金色手摩頂受記口稱善哉善哉善哉善男子善女人生我國中護如眼睛愛惜不已此陀羅尼功德無量何況有人見聞



書寫受持供養其福不可稱量若復  
 有一切女人厭女人身欲得成男子身  
 者至到百年捨命之時要往生西方淨  
 土蓮華化生者當須請人書寫此陀羅  
 尼經安於佛前以好香花日以供養不  
 闕者必得轉於女身成男子至百年  
 命終猶如壯士屈伸臂頃如一念中間  
 即得往生西方極樂世界坐寶蓮花  
 時有百千姝女常隨娛樂不離其側  
 又設復有善男子善女人若得見聞  
 此佛頂心自在王陀羅尼經印若書  
 寫讀誦觀視者彼人所有切煩惱障  
 閉運為不遂或錢財耗散口舌竟生  
 若舍宅不安或五路閉塞多饒恠夢  
 疾病纏身無所依怙但能於晨朝時  
 生尊重心供養誦此陀羅尼者常為  
 官世音菩薩無邊大神力金剛密跡  
 隨逐日夜宿衛是人所思念事皆得

神力隨逐宿衛

香花供養

坐靜處誦經



依願圓滿成就又若有善男子善女人求一切願者欲成就一切種智當獨在靜處閉目心念觀世音菩薩更勿異緣誦此陀羅尼經一七遍無願不果入得一切人之所愛樂不墮一切諸惡之趣是人若住若卧常能見佛如對目前無量俱胝之所積集諸惡過罪悉能消滅如是之人當得具足轉輪王之福若人以掬香花供養此

陀羅尼經者是人得大千世界大悲法性彼人世間得大成就又若有善男子善女人能於晨朝時面向佛前燒香誦此陀羅尼經若滿千遍即時見觀世音菩薩當化現阿難形相為作證明問言所須何果報悉能依願成就消除身口意業得佛三昧灌頂智力波羅蜜地殊勝之力如滿果遂佛頂心大陀羅尼經卷上



佛頂心療病救產方卷中

又設復若有一切諸女人或身懷六甲至十月滿足坐月之時忽分解不得被諸惡鬼神為作障難令此女人苦痛叫喚悶絕号哭無處投告者即以好朱砂書此陀羅尼及祕字印密用香水吞之當時分解產下智慧之男有相之女令人愛樂又若復胎衣不下致損胎傷殺不然兒為母死乃至母為

兒亡或復母子俱喪速以朱砂書此頂輪王祕字印用香水吞之當即便推下亡兒可以速棄水中又若懷妊婦人不得喫狗肉鱈魚鳥雀物命之類即日須常念室目智嚴光音自在玉佛又若復有善男子善女人或身遭重病經年累月在於床枕以名藥治之不瘥者可以朱砂書此陀羅尼及祕字印向佛前用茅香水吞之其病當即除





誦經之人思  
衣念食國土

要東三

瘡若諸善男子善女人卒患心痛不可  
 申說者又以朱砂書此陀羅尼及祕字  
 印用青木香及茱萸煎湯相和吞之一  
 切病患無不除瘡又諸善男子善女  
 人若至父母兄弟親眷到臨命終時  
 恓惶之次速取西方一掬淨土書此陀  
 羅尼燒作灰和其淨土作泥置於此人  
 心頭上可以着衣裳蓋覆如是之人  
 於一念中間承此陀羅尼威力便生  
 西方極樂世界面見阿彌陀佛不住中  
 陰之身四十九日此陀羅尼若人貧  
 困飢渴復患衣念食無人救接者但能  
 志心供養日以香花冥心啓告念佛  
 必得財帛衣食悉能滿足又若復有人  
 得遇善知識故誘勸書此陀羅尼經  
 上中下三卷准大藏經中具述此功德  
 如人造十二藏大尊經也如將此紫磨黃  
 金鑄成佛像供養此陀羅尼經威神



之力亦復如是又諸善男子善女人  
 或東隣西舍有飛符注殺破射雄雌  
 魘魘鬼神橫相惱亂在人家宅中同求  
 人便者若遇得此陀羅尼經於所在  
 供養者是諸鬼神悉能奔走不敢侵害  
 佛頂心大陀尼經卷中  
 佛頂心救難神驗經卷下  
 昔罽賓陀國中有疾病時疫流行遍  
 滿一國內是人得病者不過一日二

日俱已死盡觀世音菩薩便化作一  
 白衣居士起大悲心巡門廣為救療  
 施此法印令速請人書寫此陀羅尼三  
 卷盡心供養應時消散當即出離外  
 國故知書寫供養不可窮述又昔波  
 羅奈國中有一長者家中大富財帛  
 無量唯只有一男壽年十五忽尔得  
 病百藥求醫固不差命在須臾恹惶不  
 已時有一隣邦長者來至宅中問言



長者何為不樂長者遂具說向因緣  
 時長者聞說各言長者但不至愁惱  
 唯有請人於家中以素帛書此佛頂  
 心陀羅尼經三卷向佛前燒香轉  
 念可得其子疾病退散壽命延長為時  
 長者一依所言便即請人於家中抄寫  
 未了其子疾病當下除瘥感得闍羅王  
 差一鬼使報言長者此子命限只合  
 十六歲今已十五唯有一年今遇善知

識故勸令書寫此陀羅尼經得延至  
 九十故來相報是時長者夫妻歡喜  
 踊躍無量即開倉庫珠金並賣便寫  
 一千卷日以供養不闕當知此經不  
 可稱量具大神驗又昔曾有一婦人  
 常持此佛頂心陀羅尼經日以供養  
 不闕乃於三生之前曾置毒藥殺害  
 他命此冤家不曾離於前後欲求方  
 便致殺其母遂以託蔭此身向母胎



女人前生冤家化胎欲求其母



女人光如

中抱母心肝今慈母至生產之時分  
 解不得万死万生及至生產下來端正  
 如法不過兩歲即便身亡母憶之痛  
 切號哭遂即抱此孩兒拋弃向水中  
 如是三遍託蔭此身向母腹中欲求  
 方便置殺其母至第三遍準前得生  
 向母胎中百千計較抱母心肝令其母  
 千生万死悶絕叫喚準前得生下持  
 地端嚴相兒具足亦不過兩歲又以

身亡母既見之不覓放声大哭是何  
 惡業因緣准前抱此孩兒直至江途  
 已經數時不忍拋弃感得官世音菩薩  
 遂化作一僧身披百衲直至江邊乃  
 謂此婦人曰不用啼哭此非是男女  
 是弟子三生前中冤家三度託生欲  
 殺母不得為緣弟子常持佛頂心陀  
 羅尼經并供養不闕所欲殺汝不得  
 若欲要見汝這冤家但隨貧僧手看



官音菩薩  
神通力一指  
冤家遂化  
夜又如沉  
宿水中去



女人歸家  
禮拜菩薩  
慈造經



之道了以神通力一指遂化作夜叉之  
形向水中而立報言緣汝曾殺我來我  
今欲來報冤蓋緣汝有大道心常持  
佛頂心陀羅尼經善神日夜擁護所  
故殺汝不得我此時既蒙觀世音菩  
薩與我受記了從今永不與汝為冤  
道了便沉水中忽然不見此女人兩  
疾交流禮拜菩薩便即歸家冥心發  
願代其賣衣裳更請人寫千卷倍記

受持無時暫歇年至九十七歲捨命  
向秦國變成男子之身若有善男子  
善女人能寫此經三卷於佛室中以  
五色雜絲作裘盛之乃至或隨身供  
養者是入若住若卧危險之處常有  
百千陀羅延金剛密跡大力無辺阿  
吒鉞拘羅神身持劍輪隨逐所在作  
衛無難不除無灾不除无邪不斷  
又昔有官人礙赴任懷州縣令為无



錢作上官行理遂於泗州普光寺內  
 借取常住家錢一百貫文用費上官  
 其時寺三便以接借即差一小沙弥相  
 逐至懷州取錢其沙弥當即便與其官  
 人一時乘船得至一深潭夜宿此官人  
 忽生惡心便不肯謀還寺家錢令左  
 右將一布袋盛這和尚拋放水中緣這  
 和尚自從七歲以來隨師出家常持此  
 佛頂心陀羅尼經兼以供養不闕自

不曾離手所在之處時行轉念既被  
 此官人致殺殊不損一毫毛只覓自  
 已身被箇人扶在虛空中如行閻室  
 直至懷州縣中專待此官人到是時此  
 官人不逾一兩日得上懷州縣令三朝  
 參見衙退了乃忽見拋放水中者小和  
 尚在厅中坐不覓大驚遂乃昇厅同坐  
 乃問和尚曰不審和尚有何法術此  
 沙弥具說衣服內有佛頂心陀羅尼三



卷加備功德不可具這此官人聞語  
 頃禮懺悔便於和尚遂請本破自己  
 料錢喚人只向厅前抄寫一千卷置  
 道場內日以香花供養後勅改任  
 懷州刺史故知此經功德無量無邊  
 歡喜信受頂戴奉行

自在王治瘟疫陀羅尼 唵部臨口氣念千遍

祕字印

三三三 能救產難

佛信女人魏氏妙秀  
 佛頂心大陀羅尼經 卷果蒙經力印施流通  
 普願見聞吉祥如意者  
 宣德七年正月十六日 施

